

Expte.: 2024/C005/000001

Memoria Xustificativa dos requisitos contemplados no artigo 116 da Lei 9/2017 de contratos do sector público e inicio do expediente de contratación.

Asunto: Contrato do subministro de "ADQUISICIÓN DUN PUNTO LIMPO MÓBIL" financiado parcialmente pola Dirección Xeral de Calidade Ambiental, Sostibilidade e Cambio Climático, en base ás axudas concedidas ao abeiro da Orde do 21 de xullo de 2023 pola que se establecen as bases reguladoras para a concesión de axudas a entidades locais de Galicia para o financiamento de actuacións en materia de residuos de competencia municipal, cofinanciadas polo fondo europeo relativo ao Mecanismo de recuperación e resiliencia da UE no marco do Plan de recuperación, transformación e resiliencia, financiado pola Unión Europea-NextGenerationEU (MT975S).

1.- Obxecto do contrato

O presente contrato ten por obxecto a "Adquisición dun punto limpo móbil" que se realiza co fin de levar a cabo a actuación "Ampliación do servizo Punto limpo móbil - Muros" a cal esta dividida en días anualidades, correspondendo a anualidade 2024 esta actuación, para o cal se vai a utilizar o procedemento aberto simplificado de subministro, cun orzamento de licitación de 61.725,00 € (sen IVE), 74.687,25 (IVE incluído).

No expediente consta Resolución da Dirección Xeral de Calidade Ambiental, Sostibilidade e Cambio Climático pola que se concede unha subvención para o financiamento parcial do proxecto.

2. Necesidade de contratar

Por Resolución do 9 de novembro de 2023, da Dirección Xeral de Calidade Ambiental, Sostibilidade e Cambio Climático, concedeuse ao Concello de Muros unha subvención para a execución da actuación "Ampliación do servizo punto limpo móbil - Muros" en base á subvención solicitada ao abeiro da Orde do 21 de xullo de 2023 pola que se

establecen as bases reguladoras para a concesión de axudas a entidades locais de Galicia para o financiamento de actuacións en materia de residuos de competencia municipal, cofinanciadas polo fondo europeo relativo ao Mecanismo de recuperación e resiliencia da UE no marco do Plan de recuperación, transformación e resiliencia, financiado pola Unión Europea-NextGenerationEU, e se realiza a súa convocatoria en réxime de competencia competitiva para os anos 2023 e 2024 (código de procedemento MT975S) (Diario Oficial de Galicia número 148, do 4 de agosto). Este financiamento distribuíuse en dúas anualidades. A anualidade do ano 2023 xa foi realizada e executada, quedando pendente a actuación da anualidade 2024 que ten como obxecto a “Adquisición dun punto limpo móbil”

Xustifícase a necesidade de contratar conforme á Lei 9/2017, de 8 de novembro, de Contratos do Sector Público pola obrigatoriedade do establecido no art. 26 da lei 7/1985 de 2 de abril, Reguladora das Bases do Réxime Local que establece a obrigatoriedade de servizos mínimos que deben prestar en todo caso os concellos independentemente da súa poboación, entre eles, a recollida de residuos.

O proxecto que se pretende levar a cabo é idóneo para a satisfacción do servizo público mencionado ao facilitarlle a poboación a recollida de residuos que habitualmente non se recollen no servizo de recollida ordinario.

Consta no expediente o proxecto completo para o cal se solicitou a subvención “Ampliación do servizo punto limpo móbil - Muros”, así como prego de prescricións técnicas levar a cabo a licitación da actuación “Adquisición dun punto limpo móbil” no que constan as características do punto limpo móbil que se pretende adquirir, completas, concretas e necesarias para proceder á levar a cabo as actuacións proxectadas por un importe de 74.687,25 (IVE incluído).

3.- Características do contrato

O contrato é un contrato de subministro, e para o cal se vai a utilizar o procedemento aberto simplificado. Os criterios xerais que dirixen o proxecto son esencialmente, a adquisición dun punto limpo móbil coas seguintes características:

- Tractora eléctrica con quinta roda, baterías de chumbo con capacidade mínima de 15 kWh.

- Central electro hidráulica, necesaria para o accionamento dos semirremolques.
- Caixa fixa de aluminio, con cabaleta protector de cabina, laterais abatibles de, como mínimo, 400 mm de alto, 1450 x 1250 mm.
- Alzas de rejilla abatibles.
- Semirremolque cerrado con capacidade interna para 8 colectores de 360 l con 6 bandexas de aluminio e receptor para fluorescentes.

Todo elo de acordo co establecido no prego de cláusulas técnicas particulares.

4. Xustificación da non división en lotes

O Artigo 99.3 da LCSP establece a posibilidade de non proceder a división en lotes do subministro pola natureza e obxecto do contrato.

Neste caso non procede a licitación por lotes do subministro ao tratarse dunha subministración única non sendo susceptible de división, dado que o risco que supón para a correcta execución do contrato a realización por contratistas diferentes que terían que intervir no proceso de fabricación do remolque e da cabina tractora totalmente compatibles entre si, dado que a entrega dos distintos elementos ten que ser única e compatibles susceptibles da posta en funcionamento de forma coordinada no momento da súa entrega, quedando xustificado deste xeito o establecido no artigo 99 da LCSP

5. Xustificación do procedemento de contratación.

Dadas as características da contratación e, tendo en conta:

1. Que o valor estimado do Contrato é inferior a 221.000,00€. IVE excluído.
2. Que o artigo 118 da LCSP, establece que se consideraran contratos menores os contratos de subministro de valor estimado inferior a 15.000,00€.

En base a isto, considérase máis idóneo que o procedemento de licitación se efectúe mediante un procedemento aberto simplificado de subministro, xa que o valor estimado do contrato non excede de 221.000,00 euros e non se trata de gastos de carácter recorrente ademais de que este é un procedemento áxil que permitirá cumprir

con mais facilidade os prazos precisos para xustificar a execución do contratos e polo tanto da subvención

6. Xustificación de que non se altera o obxecto do contrato para evitar a aplicación das regras xerais de contratación.

Non se altera o obxecto do contrato para evitar a aplicación das regras xerais de contratación. Non existe fraccionamento do obxecto de contrato, xa que na documentación técnica aportada queda clara a unidade funcional do obxecto do mesmo

7. Procedemento de contratación

Segundo o artigo 159 da LCSP nos procedementos abertos todo o empresario interesado poderá presentar unha proposición, quedando excluída toda negociación dos termos do contrato cos licitadores.

Dadas as características da contratación e, en aras de garantir que a contratación se axuste aos principios de liberdade de acceso ás licitacións, publicidade e transparencia dos procedementos, e non discriminación e igualdade de trato entre os candidatos, e de asegurar o obxectivo de estabilidade orzamentaria e control de gasto, considerase máis idóneo que o procedemento de licitación se efectúe mediante procedemento aberto simplificado con varios criterios de valoración mediante fórmulas, xa que se cumpren as condicións establecidas para a súa utilización previstas no artigo 159 da Lei 9/2017 de 8 de novembro de contratos do sector público.

Polo tanto, para este contrato, todo empresario interesado poderá presentar unha proposición, quedando excluída toda negociación dos termos do contrato co licitador.

Escollese este procedemento polos seguintes motivos:

1. O importe da contratación é moi inferior ao limite legal que a LCPS establece para tal procedemento, xa que o valor estimado para este procedemento é de menos de 221.000 euros.

2 Trátase dun procedemento áxil que permitirá cumprir con mais facilidade os prazos precisos para xustificar a execución do contratos e polo tanto da subvención

8.- Criterios de adjudicación

Dadas as características da actuación considerase conveniente utilizar como varios criterios e valoración mediante formulas

9.- Condicións especiais de execución

Para dar cumprimento ás obrigas establecidas na LCSP respecto ás condicións sociais, laborais e medio ambientais en relación coa execución do contrato e vinculadas ao seu obxecto, no sentido do artigo 145.2 LCSP, non sendo directa ou indirectamente discriminatorias ás condicións de execución, o operador económico que resulte adjudicatario poderá optar por levar a cabo durante a execución do contrato, polo menos unha das condicións de execución que se detallaran no prego de cláusulas administrativas particulares

10.- Prazo de duración e prorrogas.

O prazo máximo de entrega do subministro é de cinco meses dende a data da adjudicación, salvo que por circunstancias sobrevidas, imprevistas, ou calquera outra que poida xurdir durante a execución do mesmo se acorde polo órgano de contratación a concesión dunha prórroga que deberá xustificarse motivadamente. En todo caso a data límite será o 1 de decembro de 2024

11.- Modificación do contrato

Dadas as características da contratación non se contemplan modificacións.

12.- Orzamento base de licitación e Valor estimado

O presuposto de execución do contrato que consta no expediente e que figura no corpo desta memoria, é o seguinte:

Base impositiva: 61.725,00 €

IVE: 12.962,25 €

Total orzamento: 74.687,25 €

Valor Estimado: 61.725,00 €

13. Aplicación orzamentaria.

A adxudicación realizarase co cargo ao saldo de créditos retidos da ampliación o orzamentaria 2024/170/61904 do estado de gastos do Orzamento municipal do 2021, prorrogado, nos RCs 220240000643 de data 21 de febreiro de 2024 por un importe de 56.272,50€. e 220240001092 de 8 de marzo de 2024 por un importe de 19.382,75€

14. Requisitos de Solvencia

As solvencias son adecuadas ao especificado na Lei de contratos do sector Público..

15. Responsable do contrato

Será responsable do contrato será o oficial condutor do Concello de Muros, D. Armindo Fernández Fernández.

16. Encargado do seguimento e execución

Será a Alcaldía, a concellería de obras e os servizos técnicos municipais.

17. Certificación da prestación e forma de pagamento.

A prestación pagarase ao contratista contra factura, unha vez comprobada a efectiva realización do subministro e a conformidade dos servizos técnicos do concello.

En base a todo o anterior,

DISPOÑO

PRIMEIRO. Incorporar o informe xurídico do Secretario, que recolla a normativa de aplicación, e o procedemento legal a seguir.

SEGUNDO. Que o Interventor emita informe no que acredite que existe crédito suficiente e adecuado para financiar o gasto que comporta a celebración do contrato e a porcentaxe que supón a contratación en relación cos recursos ordinarios do orzamento vixente, ratificando o órgano competente proposto para contratar.

TERCEIRO. Que se incorpore ao expediente a memoria técnica e se elabore un prego de cláusulas administrativas que conxuntamente establezan todos os elementos necesarios para definir o obxecto da prestación, os criterios de selección e as condicións de execución do obxecto do contrato.

CUARTO. Emitido o anterior informe trasládese ao Secretario co obxecto de que, si procede, emita informe sobre as singularidades que puidera revestir a prestación que se pretende contratar. En caso de resultar necesario, a instancia do Secretario, solicitarase igualmente a información técnica pertinente

Asinado en Muros na data da sinatura electrónica

A Alcaldesa

María Lago Lestón